

19.6.2018

Sämitiggelahâtoimâkode oovdânpyehtimhammiittâs ciälkkámušân

Oovdânpyehtimhammiittâs sämitiggelaavâ nubásmitmân lii onne vuolgâttum ciälkkámušân. Meriäigi ciälkkámuššáid lii 27. syeinimáánu. Ulmen lii, ete haldâttâs oovdânpyehtim adeluuččij ovdâskoodán tállân čohčâpaje aalgâst.

Ciälkkámušân vuolgâttum hammiittâsiävtuttâs lii sämitiggelaavâ uđâsmittem valmâštâllee toimâkode oovdânpyehtim sämitiggelaavâ nubástussân. Riehtiministeriö moonnâm skammamáánu asâtem toimâkode pargo lii vuáđudum vuáđuvuoigâdvođáid, eres vuáđulaavâ asâtem kenigâsvuođáid já Suomâ aalmugijkoskâsáid olmoošvuoigâdvouatâkenigâsvuođáid sehe OA algâalmugij vuoigâdvođái julgâštusân.

Oovdânpyehtimhammiittâs teháliih iävtuttâsah

Toimâkode oovdânpyehtim ulmen lii sämitiggelaavâ uásild puárásmum njuolgâdusâi uđâsmittem já toi toimâmist aiccum čuolmâi meddâlistem. Oovdânpyehtim vuolgâsaijeen lii peividiđ sämitiggelaavâ vuáđunjuolgâdusâid vuáđulaavâst turvâstum sâmmilij jiešhaldâšmist, tuáimee valjâvuáhâduvvâst sehe sämitige pargoin.

Jienâvuoigâdvouatâ sämitige vaaljâin

Laahâ iävtuttuvoo târhistemnáál tienuuvt, ete laavâst koččâmuš lii vuoigâdvođâst jienâstiđ sämitiggevaaljâin, nubenáál ettum vuoigâdvođâst merkkejuđ valjâluvâttâlmân.

Iävtuttâs mielđ jienâvuoigâdvouatâ sämitige vaaljâin váđáččij mieltâm ucâluđ valjâluvâttâlmân, tego táäl-uv. Njuolgâdus siskeldičij vyeimist orroo laavâ náál subjektii mieltâm paaldâst objektiivlijđ kriterijđ. Jienâvuoigâdvođâ eidusiij, lahâasâtliih iävtuh liččii, ete olmooš jieš teikâ aainâs-uv ohtâ suu vanhimiijn, ááhust já äijihist teikâ ááhui já äijihij vanhimiijn lii oppâm sâmikielâ vuossâmuu kiellân teikâ ete aainâs-uv nubbe suu vanhimiijn lii merkkejum teikâ lii lamaš merkkejum jienâvuoigâdvouatâlâžžân säämi parlament teikâ sämitige vaaljâin.

Iävtuttum njuolgâdus ličij lăvkki ohtsâštave-eennâmlij valjâluvâttâlmân ucâlum kriterij suundán, já tot västid pyeri muodon ive 2017 vuáđusteijeenáál nanodum tave-eennâmlii sâmisopâmuš västideijee miärádâs. Uđđâ njuolgâdus šodáččij vuáimán čuávoo sämitiggevaaljâi maŋa.

Toimâkodde iävtut, ete čuávoo sämitiggevaaljâh sirdâšuveh oovtâ ive ađai ihán 2020 vâi sirdâšumäigi lii tuárvi kukke.

Sämitige sajattâh já pargoh

Sämitige pargon lii tááláá laavâ mielđ hoittâđ sâmmilij jieijâs kielân já kulttuurân sehe sii sajattâhân algâalmugin kyeskee aášijđ. Iävtuttâs mielđ taas lasettuuččij meid pargo ovdediđ sâmmilij algâalmugvuoigâdvođái olášume.

Táäl sämitige addel jyehi ive muštâlus staatârááđán. Iävtuttâs mielđ muštâlus adeluuččij ovdâskoodán, mii tiäduuttičij sämitige sajattuv já jiešhaldâšem merhâšume.

Ráđádállámkenigâsvuođâ ovdedem ohtsâštoimâ suundán

Sämitiggelaavâ miel virgeomâhain lii ráđádállámkenigâsvuođâ sämitiggijn tiätuaašijn, moh vaigutteh sämmilij sajattâhân algâalmugin. lävtuttâs miel uđâsmitáččii njuolgâdus ohtsâštoimâ- já ráđádállámkenigâsvuođân. Nubástussáin oovdânpyehtih viggâmuš ohtsâšibárdâsân já miettâm juksâmân, mii ij kuittâg meerhâš veto-vuoigâdvvuođâ. Njuolgâdus tiävdáččij tááláast pyerebeht aalmugijkoskâsii algâalmugvuoigâdvvuođâst ovdedum kriterijd ráđádâlmij pyeri táátust já olmâáigâsâšvvuođâst sehe ääši tááhust kelijdeijee, ohtsii tiätuvuáđust.

Valjânjuolgâdusâi sehe njuolgim- já nubástusuuccâmvuáháduv čielgâsmittem

Oovdânpyehtimist viggeh čielgâsmittiđ tááláid valjânjuolgâdusâid sehe njuolgim- já nubástusuuccâmvuáháduv. Valjâlävdikodde asâttuuččij puáttevvuođâst tállán sämitige valjâpaje aalgâst já valjâluvâttâlmân ucâlumán lohtâseijee meriaaigijd tolediččii. Tai nubástusâiguin viggeh visâsmittiđ, ete ucâmušâi kiedâvušmân já máhđulii nubástusucâmân pásáččij tuárvi äigi.

lävtuttâs miel puáttevvuođâst asâttuuččij sämitige ohtâvvuođâst tuáimee njuolgilävdikodde, mast ličij laavâ oppâm saavâjođetteijee já kulmâ jeessân. Lävdikodde ličij toimâstis jiečânâs já jiešráđâlâš. Njuolgilävdikodde kiedâvušâččij valjâluvâttâlmân merkkiimân kyeskee njuolгимvátámâšâid. Nubástus njuolgilävdikode miärádâsân usáččii alemuu haldâttâhrievtist.

Lasetiäđuh:

toimâkode saavâjođetteijee riehtitiettuu tuáhtár Pekka Hallberg, puh. 050 5003 180

sämitige saavâjođetteijee Tiina Sanila-Aikio, puh. puh. 050 300 1780,
ovdânommâ.suhânommâ@samediggi.fi

ráđádâllee virgeolmooš Johanna Hautakorpi, riehtiministeriö, puh. 02951 50018,
ovdânommâ.suhânommâ@om.fi

ráđádâllee virgeolmooš Yrsa Nyman, riehtiministeriö, puh. 02951 50293,
ovdânommâ.suhânommâ@om.fi

Lasetiäđuh haavâst:

Ciälkkámušpivdem já hammiittâs haldâttâs oovdânpyehtimin lausuntopalvelu.fi:st (LINKKI)

Tiäđuh haavâst <http://oikeusministerio.fi/hanke?tunnus=OM077:00/2017>

[Sämitiggelaavâ uđâsmittem vuálgá joton](#)

[Sää'mte'ğğlää'jj oodummuš jättai](#)

[Sámediggelága ođasmahttin álggahuvvo](#)